



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

X. De peierantibus. Ll. Sax. cap. 25. Iorn. cap. 34.

urn:nbn:de:hbz:466:1-15625

iudicium iturus est. Et sint mensurati nouem pedes a staca vsque ad mercam ,ad mensuram pedum eius qui ad iudicium ire debet. Et si aquæ iudicium sit , calefaciat donec excitetur ad bullitum , & sit alfetum ferreum , vel æreum , vel plumbeum , vel de argilla , & si *anfealt tybla* sit , immergatur manus post lapidem ,vel examen vsque ad *vvyrfle* , & si triplex accusatio sit , vsque ad cubitum . Et quando iudicium paratum erit , ingrediantur ex vtraque parte duo homines , & certi sint vt ita calidum sit , sicut prædictimus , & introeant totidem ex amba parte , & consistant ex vtraque parte iudicij de longo ecclesiæ , & sint omnes ieuni , & ab vxoribus suis se continuerint ipsa nocte , & asperget presbyter aquam benedictam super eos omnes , & humilient se singuli ad aquam benedictam , & det eis omnibus osculari textum sancti euangelii , & signum sanctæ Crucis . Et nemo faciat ignem diutius quam benedictio incipiat , sed iaceat ferrum super carbones vsque ad ultimam collectam : postea mittatur super staplas , & non sit illic alia locutio quam vt precentur sedulo Deum Patrem omnipotentem , vt veritatem suam in eo manifestare dignetur : & bibat accusatus aquam benedictam , & inde conspergatur manus eius qua iudicium portare debet , & sic adeat . Nouem pedes mensurati distinguantur inter ternos . In primo signo secus stacam teneat pedem suum dextrum . In secundo transferat dextrum pedem , in tertium signum , quando ferrum proiicit , & ad sanctum altare festinet , & insigilletur manus eius , & inquiratur die tertia si munda vel immunda sit intra sigillationem , & qui leges istas fregerit , sit ordalium , id est iudicium vel examen , fractum in eo , & reddat regi centum viginti solidos Vvitæ .

IX.

Qui aliquid emit , emat cum testibus : & si appellandum inde sit , recipiat hoc venditor suus a quo emit , sit liber , sit seruus , sit quod sit : & non fiat aliqua negotiatio , vel forensis actio die dominica . Si quis hoc præsumat , perdat ipsum capitale , & emendet overhirnessam meam .

X.

Qui falsum iuramentum iurabit , & conuictus inde fuerit , nunquam postea iuramento dignus sit , nec in sanctificato atrio aliquo iaceat , si moriatur , si non habeat epi-

ANNO
CHRISTI
918. scopi testimonium in cuius diœcesi sit, quod poenitentiam excepit: & presbyter hoc referat episcopo infra triginta noctes, vtrum ad emendationem & satisfactionem venerit. Si non faciat hoc, componat sicut episcopus ei concedet.

Totum hoc institutum & confirmatum est in magna Synodo apud Greateleyam, cui archiepiscopus Vulfelmus interfuit, & omnes optimates & sapientes quos Athelstanus rex congregare potuit.

XI.

Episcopo iure pertinet omnem rectitudinem promovere, Dei videlicet ac sæculi. In primis debet omnem ordinatum Dei instruere, quid ei iure sit agendum, & quid sæcularibus iudicare debeant. Debet etiam sedulo pacem & concordiam operari cum sæculi iudicibus qui rectum velle diligunt, & in compellationum adlegiationem docere, ne quis alii perperam agat in iureiurando vel in ordalio.

Hæc ex
manuscri-
pto Iorna-
lensi.

Nec pati debet aliquam circumuentionem iniustæ mensuræ, vel iniusti ponderis: sed conuenit ut per consilium & testimonium eius, omne legis scitum, & burgi mensura, & omne pondus, ponderis sit secundum dictiōnem eius institutum, valde rectum.

Ne quis proximum suum seducat, pro quo decidat in peccatum. Et semper debet Christianus prouidere contra omnia quæ prædicta sunt; & ideo debet se magis de pluribus intromittere, ut sciat quomodo grex agat quem ad Dei manum custodire suscepit, ne diabolus eum laniet, nec malum aliquid superseminet.

Nunquam enim erit populo bene consultum, nec dignæ Deo conseruabitur, vbi lucrum impium & magis falsum diligitur. Ideo debent omnes amici Dei quod iniustum est eneruare, quod iustum est eleuare: non pati ut propter falsum & pecunia quæstum se forisfiant homines erga vere sapientem Deum, cui displicet omnis iniustitia.

Christianis autem omnibus necessarium est ut rectum diligent, & iniqua condemnent, & faltem sanctis ordinibus euecti, iustum semper erigant, & praua deponant. Hinc debent episcopi cum sæculi iudicibus interessi iudi-

Episcopi
debent in-
teresse sæ-
cularibus
negotiis.